



DECRETO DA PRESIDENCIA

ASUNTO: Funcións de sarxento Moisés Fernández Santos SPEIS 04 Ribeira
EXPEDIENTE ORIXE: 2023/E002/000002 **DECRETO:**2023/G003/000201

Sendo titular da Presidencia do Consorcio Provincial Contra Incendios e Salvamento de A Coruña, don Valentín González Formoso, a referida Autoridade dita a seguinte resolución:

Logo de ver o informe-proposta da Xerencia do Consorcio Provincial Contra Incendios e Salvamento de A Coruña do 12.05.2023 , co seguinte teor literal:

<<(…) Emítese o seguinte informe de conformidade co disposto no artigo 16º dos Estatutos reguladores do Consorcio.

INFORME:

Por Decreto da Presidencia número 89/2021, do 09.04.2021, aprobáronse as bases e a convocatoria que rexerán o procedemento de selección para a constitución dunha bolsa de emprego secundaria para a cobertura temporal de postos de sarxento no Consorcio Provincial contra Incendios e Salvamento da Coruña, mediante concurso de méritos, entre persoal coa categoría de cabo-xefe de quenda.

Expirado o prazo de presentación de solicitudes, mediante Decreto da Presidencia número 125/2021 do 20.05.2021, aprobouse a relación provisional de admitidos e excluídos que solicitaron participar dentro do prazo establecido.

Rematado o prazo de tres días naturais para a presentación de emendas, que transcorreu dende o 22.05.2021 ao 24.05.2021, de conformidade co establecido na base quinta e sexta das reguladoras do proceso selectivo, procedeuse mediante Decreto da Presidencia número 134/2021 do 27.05.2021, á aprobación da lista definitiva, nomeamento do tribunal e convocatoria para a valoración de méritos da fase de concurso.

Logo da valoración de méritos por parte do tribunal cualificador, e publicación da correspondente acta, procedeuse a resolución das alegacións presentadas no prazo establecido ao efecto, formulouse proposta de resolución, con data 11.06.2021, que foi elevada a esta Presidencia, para a súa aprobación.

Por Decreto da Presidencia número 154/2021, do 16.06.2021, procedeuse a aprobación e formación da bolsa de emprego secundaria para a cobertura temporal de postos de sarxento no Consorcio Provincial contra Incendios e Salvamento da Coruña.

Por Decreto da Presidencia número 186/2021, do 16.07.2021, procedeuse a aprobación da táboa inicial na que se recollían as substitucións derivadas da bolsa de emprego secundaria para a cobertura temporal de postos de sarxento-xefe de quenda no Consorcio Provincial contra Incendios e Salvamento da Coruña. A devandita táboa foise modificando en consonancia coas peticións dos permisos dos sarxentos-xefes de parque por decreto da Presidencia 189/2021 do 29.07.2021; por decreto da Presidencia 198/2021 do 17.08.2021; por decreto da Presidencia 228/2021 do 21.09.2021 e por decreto da Presidencia 254/2021 do 13.10.2021.

Logo de ver a solicitude recibida que motiva a ausencia do sarxento-xefe Don Óscar David Casais Montemuíño do SPEIS 04 dende o 12.05.2023 ata o 26.05.2023 por permiso.

Despois de realizar o chamamento correspondente aos integrantes da bolsa de emprego secundaria, procédese á asignación provisional das funcións de sarxento-xefe de parque do SPEIS 04 Ribeira, a favor de:

- *Don Moisés Fernández Santos dende o 12.05.2023 ata o 26.05.2023.*

Por todo o anterior e ao abeiro do artigo 16 dos Estatutos reguladores do Consorcio, faise a Presidencia do Consorcio Provincial Contra incendios e Salvamento da Coruña, a seguinte proposta:

PRIMEIRO.- Asignar provisionalmente as funcións de sarxento-xefe dos parques do SPEIS 04 a:

- *Don Moisés Fernández Santos dende o 12.05.2023 ata o 26.05.2023.*

SEGUNDO.- Notificar esta resolución ao interesado.

TERCEIRO.- Facer pública esta resolución na web e no taboleiro de anuncios.



CUARTO.- Dar traslado ao departamento de nóminas, contabilidade e ao Comité de Empresa.
(...)>>

Por todo o anterior e de conformidade co artigo 21.1.h) da Lei 7/1985, de 2 de abril, de Bases do Réxime Local e o 14 dos Estatutos reguladores do Consorcio, mediante o presente

RESOLVO:

PRIMEIRO.- Aprobar a proposta nos seus mesmos termos.

SEGUNDO.- Contra a presente resolución, que pon fin á vía administrativa, poderase interpoñer, potestativamente, recurso de reposición ante o mesmo órgano que ditou o acto, no prazo dun mes a contar a partir do día seguinte ao da recepción da notificación da presente, ou ben, directamente, recurso contencioso-administrativo ante o xulgado que corresponda no prazo de dous meses contados a partir da mesma data, sen prexuízo de que se poida interpoñer calquera outro recurso que se estime pertinente.

Carballo, na data da sinatura dixital.

O presidente,

A secretaria interventora,

Asdo.: Valentín González Formoso

Asdo.: M^a Graciela Riveiro Moreira